



20. august 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqut Ilinniartitaanermut, Ilageeqarnermut, Kulturimut Naligiisitaanermullu Naalakkesuisup angalasarneri pillugit.

(Inatsisartunut ilaasortaq Andreas Uldum, Demokraatit)

Tunngavilersuut:

Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq nersualaarusuppara ilaatigut Facebookimi angalasarnini ammasumik eqqartorsinnaammagit. Politikerit allt tamanna ilinniarfigisariaqaraluarppat. Ilinniartitaanermut, Ilageeqarnermut, Kulturimut Naligiisitaanermullu Naalakkesuisulli ammanera apeqquterpaalunnik qaffakaatitsivoq, matumuuna akitikkusutannik.

1. Ilinniartitaanermut, Ilageeqarnermut, Kulturimut Naligiisitaanermullu Naalakkesuisup allattugai Facebookimi quppernerminut ulloq 3. august 2014 nal. 14.20 ivertissimasai tamakkiisuuppat? Taamaagunangilarli ulloq 9. juni Maniitsumut innuttaasunik ataatsimiititsiartorluni angalanera ilaangimmat. (Pissutaasimasinnaavorli Ilinniartitaanermut, Ilageeqarnermut, Kulturimut Naligiisitaanermullu Naalakkesuisup angalanermi tassani aningaasartuutaasimasut Siumumit akilerneqartariaqaraluarutut isumaqarsimanagera, kisianni § 37 naapertorlugu apeqqutinnut akissummi ilisimatinneqarpunga, Naalakkersuisup aningaasartuut taanna isigigaa, Naalakkersuisunit akilerneqartariaqartutut. Taamaattumik angalanerq taanna allattukkanut ilaasimasariaqaraluarpoq.
2. Ilinniartitaanermut, Ilageeqarnermut, Kulturimut Naligiisitaanermullu Naalakkesuisup angalasimanerisa tamarmik inuiaqatigiinnut qanoq akeqarsimanersut tamakkiisumik takussutissinneqarnissaat kissaatigaara? Tassa imaappoq angalanerini tamani allanneqassaaq angalaqatigiit angalanerat tamarmi qanoq akeqarsimanersooq (Aningaasartuutit tamaarmik ilanngunneqassapput; ajunngitsorsiat, ullormusiat, akunnittarfinnut aningaasartuutit, assartuinnermut, ilassinninnermut il.il.). Taamatut naatsorsuusiorderup angalanerparsuarnut atatillugu aningaasartuutaasimasunik tutsuviginarnerusumik takussutissiisussaavoq.
3. Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq AG-mut oqarpoq Sochimi OL-mut angalasimanerminut pissutaavoq Danmarkip Kalaallit Nunaatalu sulissuteqarnerat piffissaq qaninnerusooq isigalugu Kalaallit Nunaata nammineerluni immikkut unammeqataasalernissaa. Taamatut oqarnera pissaganarpoq taamaattumik tusarusuppara, suliap tamatuma ingerlannera qanorpiaq pinersooq. Suut pisariaqarpat, kalaallit timersortartut nammineq nunartik sinnerlugu unammisalissappata?



4. Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq AG-mut oqarpoq Arctic Winter Gamesinut angalanerminut atatillugu University of Alaska i Fairbanks isumaqatigiissuteqarfigisimallugu. Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq qinnuigissavara isumaqatigiissut taanna pissaganartog pillugunassuiaateqaqqullugu.

Apeqqutit akeqquneqarput ullut suliffiit naliginnaat qulit iluanni.